

ANIE EKEME NDIYỌ USEN ERIDI ESIE?

Malachi 3:1-18

ỌYỌHỌ UKPEP-ŃKPỌ 458

Eke Ikọ Owo

IKỌ IBUOT: “Ndien Jehovah mme udim ọdọhọ ete, Mmọ eyedi ata inyene mi ke usen emi ami ndoride; ndien nyetua mmọ mbọm, kpa nte owo atuade eyen esie eke anamde ńkpọ ọnọ enye mbọm” (Malachi 3:17).

I Eridi Messiah

- 1 Isuń-utom emi ekeńwọńde ọdiọń usuń ọnọ eridi Ọbọń, Malachi 3:1, 4:5, 6; Luke 1:17, 76
- 2 Ọbọń eyedi ke Itie-ukpono Esie ke unana idorenyin, Malachi 3:1; Matthew 24:27

II Ebiere-ikpe Ofuri Ererimbot

- 1 “Anie owo ekeme ndida ke ini enye ayararede idem esie?” Malachi 3:2; Psalm 130:3; Isaiah 33:14-17; Matthew 24:40-42
- 2 Enye ebiet ikań anam-usọ, onyuń ebiet suọp mme ọdiọń-ọfọń, Malachi 3:3, 4; Jeremiah 30:7; Zechariah 13:9
- 3 Mme idiọk owo enyene usọp-usọp ntiense ebańa idiọk-ńkpọ mmọ, Malachi 3:5; Psalm 9:17; Jeremiah 17:10; Eriyarare 20:12

III Edidiọń Mme Isuńi?

- 1 Enọ ikot edikabare esit, Malachi 3:6, 7; Isaiah 55:7; Matthew 3:1, 2; 4:17
- 2 Idiọk-ńkpọ edituk Abasi asańa ye isuńi nte utip, Malachi 3:8, 9; Isaiah 43:24; Utom Mme Apostle 5:1-5
- 3 Ediwak edidiọń odu ọnọ mmọ emi enamde item Abasi, Malachi 3:10-12; Luke 6:38; 2 ńwed Corinth 9:6-8

IV Ukpuhọre Ke Ikọ

- 1 “Ndinam ńkpọ Abasi ọwọrọ ikpikpu,” edi usem mme idiọk owo, Malachi 3:13-15
- 2 Ọbọń emewet ńwed eriti ọnọ mmọ emi etińde nti ikọ edian enye, Malachi 3:16; Psalm 112:6
- 3 Ndinan owo, nte “ata inyene,” eyeda mmọ ewọrọ ke idiọk ererimbot emi, Malachi 3:17, 18; 1 ńwed Corinth 15:51-53; 1 ńwed Thessalonica 4:17.

SE EKPEPDE EBAŃA

Akpan Etop

Owo ikotke ńwed Malachi ibuat ita ibighi mbemiso enye okut ńwọrọ-nda akpanikọ emi odude ke esit. Ntiń-nnim ikọ emi enyene mme Jew, onyuń enyene kpukpru owo ńko, koro emi edi eńwọńọ eridi Jesus Christ mi ke isọń. Ke akpa ini Enye ekedi ke esit mbọm, edi ke erifiak ndi Esie, edidi ndikpe ikpe nńọ idiọk ererimbot.

Nte emi Malachi ekebemde iso etiń, isuń-utom, nte ebe-iso, ama etiń abańa utom Jesus Christ. “Uyo andifiori ke desert, ete, Mbufo ediọń usuń Jehovah, Eneńere ọkpọ-usuń Esie” (Matthew 3:3). Mme Jew ema ekpeme enyuń ebet isuń-utom emi, edi (ediwak mmọ, ke ńkpri ńkaha) ema etre ndidiọńọ John ọduọk owo mmọń nte anditiń ntiń-nnim ikọ abiańa oro. Jesus ekenyene nditiń nńọ mmọ ińwań-ińwań, “Edieke mbufo enyimeke ndikop, emi edi Elijah emi ekenyenede ndidi (Matthew 11:14).

John ọduọk owo mmọń ekedi “utuen-ikań emi asakde onyuń ayamade,” emi ekedide ke spirit ye odudu Elijah, okonyuń edi ńkpọ-utom Abasi ndida akamba edidemere ndi. John ama ebem iso etiń abańa Christ “Usak-ńkpọ Esie odu Enye ke ubọk, Enye eyenyuń anam itie-ubek-ibokpot Esie otim asana, onyuń obon ibokpot Esie ke ubet, edi eyefọp mbio ke ikań eke midinimeke” (Matthew 3:12). Edinam Jesus emi ekecutde mi ke isọń, emi akasańade ye ediwak utom mfọn, mbọm, ima ye mfọn-ido, ama enyene idaha ukpuhọre akan ke se John okodoride enyin. Edi ubak utom Jesus ndiwut “usen usiene Abasi nnyin”, onyuń edi udeme Esie ndibem iso “ńkwọrọ isua mfọnido Jehovah” (Isaiah 61:2). Mmọ emi ebọde enyuń ekopde item Christ ye mme ukpep-ńkpọ Esie idahaemi eyenyene ufak ke usen usiene Abasi.

Edidem Ererimbot

“Enye ekedi ke ebiet Esiemọ, edi mmọ emi edide iman Esiemọ idarake Enye” (John 1:11). Ke akpa eridi Esie, Enye ekedi ye nsuhọre idem, ikarake nte edidem ke ebekpo. Ediwak mme Jew ema esin Enye nte Messiah mmọ. Nwede Abasi etiñ ọnọ nnyin ete ke usen ke edi ke ini mmọ ema ekeket ọkposọñ ufen ye ukut, mme Jew eyedara Jesus nte Messiah mmọ enyuñ ebọ erinyaña ke ini Enye ediyarade Idemesie ọyọhọ ikaba. “Enye onyuñ etie etem silver onyuñ anam asana: onyuñ anam nditọ Levi esana, onyuñ ọdiọñ mmọ nte gold ye silver, man mmọ ewa uwa enọ Jehovah nte enende”. “Mmọ eyenam nkpo Jehovah Abasi mmọ, ye eke David edidem mmọ emi ndimenerede nnim nnọ mmọ” (Jeremiah 30:9).

Mme owo ema edu ke idak Mfọn Abasi, emi ke ndusuk ini, ekotde ini mfọn mme Idut, ọtọñode ke ini Christ. Ema ekwọrọ Eti-mbuk Obio Ubọñ emi ke ofuri idut, eda uñwana ye utom owo kiet-kiet esin ke esit mmọ. “Edi kpukpru owo eke edarade Enye, Enye ọnọ mmọ unen ndikabare ndi nditọ Abasi, kpa mmọ emi ebudotde idem ke enyiñ Esie” (John1:12). Edieke mme owo esinde Christ, ikabakere esit ikpọñ mme idiok-nkpo mmọ, mmọ eyetak ke nsinsi. Jesus edi Edidem ọnọ mmọ emi enyimedede Enye. Mfin Enye ọmọtọñ Obio-ubọñ Esie ke esit nditọ owo, edi usen kiet kpukpru mmọ emi efakde eyedara Enye nte: “EDIDEM NDIDEM YE QBQÑ MBQÑ.”

Andidomo Ke Ikañ Ye Andinam Ọfọn Ama

Akwa Ukut mme Jew ye eke ofuri ererimbot edida itie ke ini ema eketañ Nwan-ndọ Christ edok ke enyoñ, edi ukut nti ikot Abasi ke ada itie ke uwem mmọ mfin emi. Jesus ama okut ukut mbemiso Enye ada Ubọñ, ndien nti ikot Esie enyene ndisaña ke usuñ emi Enye akasañade. Nnyin inyeneke ikpohidem ubọñ ye Enye ibọhọke nnyin ikut ukut ye Enye.

Edidomo mbudotidem nnyin edi “emi ọsọñde urua akan mbiara gold eke edade ikañ edomo” (1 Peter 1:7). Esin eme (gold) ke ikañ man atara oto ke ọkposọñ ufiop, enam enye ọfọn tutu anam-usọ o-gold ekeme ndikut mbiet idem esie ke enye. Jesus Christ ke esesin ikañ ke idem ikot Esie tutu enye ekeme ndikut mbiet Esie ke idem mmọ. Enye ọmọñ enyene mme owo emi eyetde enam esana, enyuñ edomode. Job ọkọdọhọ ete, “Koro enye ọfiokde usuñ eke odude ye ami: enye odomo mi: nyewọrọ mbiet gold” (Job 23:10). Ada ata owo akpanikọ ye owo emi enyenede isọñ-esit ke Abasi ndinam nkpo nnọ Abasi ke emi, ndien enye emekeme, edieke enye oyomde ke ofuri esit.

Usen Eridi Esie

Mme ntiñ-nnim ikọ emi enyene erikabare ke usuñ iba, koro mmọ enyan ubok ewut eritọñ ntak ndi Jesus. “Qbọñ emi mbufo eyomde, eyebuat mbufo ke temple Esie.” Jesus ọkọdọhọ ete “koro nte emireñ-mireñ otode ke edem usiaha-utin ọwọrọ ayama osim edem usop-utin, ntre ke eridi Eyen Owo eyedi” (Matthew 24:27). Ata ekese owo ekop ebaña eritọñ ntak ndi Jesus mi ke isọñ, edi ibat-ibat owo ebeñe idem ebaña eridi Esie! Mme okpono Abasi ke enyoñ-enyoñ ido ke etiñ nko ebaña eritọñ ntak ndi Jesus, edi mmọ iduhe ke mbeñe-idem ibaña akwa usen emi. “Anie owo ekeme ndida?” Owo ekededi ekeme ndida, ndien owo kiet-kiet emi oyomde onyuñ ọbode mme mfọn ye mme enọ emi Abasi ọnọde nditọ Esie eyesọñ ada. Ifiok eridi Jesus Christ akpana nte anam owo kiet-kiet ọduñre esit esie ọfiok ete ke baba nkpo kiet ifinake ukpọñ imọ ye Andinyaña.

Usuñ ubọhọ kiet odu “ndiyọ usen eridi esie” ndisine ofuri nkpo-ekọñ Abasi ye ndisaña ke ofuri uñwana Edisana Ikọ Abasi. “Mbufo etiñ enyin ese, ekpeme, enyuñ ebọñ akam; koro mbufo mifiokke edikem ini” (Mark 13:33).

Edifiak Ntiene Abasi

Qbọñ ama omum mmọ ke ndudue ita, mmọ ema ekpọñ Abasi anyan ebiet inyuñ inimke mme ewuhọ Esie, mmọ ema etuk Enye, mmọ ema enyuñ etiñ “mkposọñ ikọ” edian Enye. Abasi ama anam ikot emi asuana ke mme ini oro ndien nko ke asasuana ke eyo nnyin emi man mme owo efiak etiene Abasi. “Nnyin idida nso ifiak?” Mmọ ikọfiokke ite ke editre ndinim mme ewuhọ Abasi kpukpru edi idiok-nkpo. Eketie nte mmọ ema enim ediwak mme ewuhọ Abasi, ndien mmọ ekekere ete ke oro ekem, edi Abasi ọdọhọ ete ke nnyin inyene ndinim kpukpru Ikọ Esie man inem Enye esit. “Owo ekededi eke edinimde ofuri ibet, edi eduede ke nde kiet kpot, amakabare edue isop ke ofuri ibet” (James 2:10).

Ndiwut nte ke mmọ ema eka anyan ekpọñ Imọ, Abasi obup ete, “Nte owo okpotuk Abasi?” Eketie nte nditọ Israel ikotimke ifiok, ediwak owo mfin enyuñ enam nte mmọ ifiokke ite ke mmọ nditre ndikpe ọyọhọ mbak duop ye enọ ima-esit edi edituk Abasi. Idighe ekpri ibat owo ekedue, ke ini ukwọrọ-ikọ Malachi, ofuri esien Israel ema ebọ isuñi koro mmọ ema edue Abasi ke nkpo emi.

Obufa Ediomi ọsọṅọ edikpe ọyọḣọ mbak duop, ndien mmọ emi etienede usuñ emi emebọ akamba utip ye edidiọñ Abasi. Eñwọṅọ Esie osuk edi akpanikọ “Mbufo eda kpukpru ọyọḣọ mbak duop edisin ke ufọk unim-ñkpọ, . . . ndien eda edomo emi, Jehovah mme udim ọdọḣọ, mme ami ndiberekede window Heaven nnọ mbufo, nnyuñ ññwaña nti ñkpọ nnọ mbufo, tutu akaha” (Malachi 3:10). (Kot tract Apostolic Faith No. 31, Ọyọḣọ Mbak Duop—Usuñ Okuk Emi Abasi Onimde).

Ọyọḣọ ndudue ita emi Abasi akadade obiomi Israel, ye ukem ubiomikpe emi anade ọṅọ mme owo mfin, edi “mkpọsọñ” ikọ emi etiñde edian Enye. Ke esiode isuñi, editomo ñkpọ ye ikọ esuene efep (mme ñkpọ emi Abasi asuade) mme usuñ efep edu emi etiñde mkpọsọñ ikọ edian Abasi. Nso ke mme owo ekedọḣọ? “Ndinam ñkpọ Abasi ọwọṅọ ikpikpu: nnyin inyuñ ikut nso udori, koro inimde item esie. . . ?” Nso idiọk odu ke oruk editiñ emi? Edi se idiọkde eti-eti ndida mfọn emi Abasi ọfọnde ye nnyin ndomo ye mme mbubek ñkpọ ererimbot emi. Mmọ emi ikekponoke Abasi ke ofuri esit, edi mmọ ekedori-enyin ndibọ nti edidiọñ ke ñkpọ ererimbot emi enyuñ esuñ Abasi ke ini mme edidiọñ oro misimke mmọ. Edieke nnyin iyomde se ifọnde ikan ito Abasi, nnyin inyene ndinọ Enye se ifọnde ikan ñko.

Edi akamba ikot ye idara, onyuñ edi ifet ọṅọ owo ndinam ñkpọ nnọ Abasi ndien ebat enye nte eyen Esie ke mikereke se idude ke isọñ. Anditiñ ntiñ-nnim ikọ ama ekeme nditiñ, “Koro eto fig midiseheke, baba mfri midinyuñ iduhe ke mme vine: mbuñwum olive eyenyuñ okpu, iñwañ idinyuñ idukke udia: ñkpri ufene eyetre ke ebiet ufene, baba enañ kiet idinyuñ iduhe ke ufọk enañ. Ndien ami nyedara Jehovah, nyebre mbaña Abasi erinyaña mi” (Habakkuk 3:17, 18). Job ñko, ọdọḣọ ete: “Jehovah ọkọṅọ, Jehovah onyuñ ọbọ; ekọm enyiñ Jehovah” (Job 1:21).

Mme Akpan Inyene Abasi

Ke ufọt mmọ emi minimke ke akpanikọ, ke ufọt mme anam-idiọk emi ekeñde inua, “ekpri out-erọñ” odu, otu owo emi ebakde, me ekponode Abasi, enyuñ emade Enye ke ofuri esit mmọ ye ofuri ukpọñ ye ofuri ekikere. Mmọ emi edu ke mme nsio-nsio itie ke iso isọñ, edi mmọ ke eneme kiet ye eken kpukpru ini ebaña Abasi ye Eti-mbuk. Emi iwọṅke ite ke anditiene-Christ enyene ndineme nneme ye anditiene-Christ efep ikpọñ-ikpọñ, edi ke ediwak idaha anditiene-Christ esineme nneme ye idiọk owo, enyene udọñ ndida idiọk owo nsin ke usuñ Abasi ye ke ima Esie. Ọbọñ akpañ utọñ onyuñ okop, enyuñ ewet ñwed eriti enọ mmọ emi ebakde Abasi, enyuñ ekerede ebaña enyiñ Esie.

Mmọ emi edi “mme akpan inyene” Abasi emi edifakde ke ini Ọbọñ edidide ke okoneyo nte inọ. Ọdọ-ndọ eyedi, mme asian nditọ iban eyedu ye Enye ke usọṅ-ndọ, ndien eyeberi usuñ. Eyet eyetop ọwọṅọ ke aña: “Ọbọñ, Ọbọñ, sio usuñ nọ nnyin;” Ndien ibọṅọ eyedi: “Ndiọñọke mbufo.” “Ekpeme ndien, koro mbufo mifiọkke usen mme hour” (Matthew 25:13).

MME MBUME

- 1 Anie ekedi asaña-utom emi etiñde ke ukpep ñkpọ emi?
- 2 Nso ikedi utom asaña-utom oro?
- 3 Owo edikeme didie ndida ke ini Ọbọñ ediyararede idem?
- 4 Nso idi ntak emi edomode nti nditọ Abasi?
- 5 Owo emi minimke mme item Abasi ekeme didie nditiene Abasi?
- 6 Ke nso usuñ ke owo otuk Abasi? Nso idi utip?
- 7 Ke nso usuñ ke nnyin ikeme ndiyarare odudu Abasi nnyuñ mbọ mme edidiọñ Esie?
- 8 “Nsọñ-uyo” ikọ ọwọṅọ didie?
- 9 Ikeme didie ndikabare ndi “akpan inyene” Abasi?